

Na simana pasado, nos sidadi resebi un karta di Prokuradora-jeral di Estados Unidos, Pam Bondi, ela deklara Boston ja sta “jurisdison santuário” i sta ta ameasa delegados di autoridadi munisipal i pa blokia fundos federal, nso se nu juda-l fazi deportasons em massa.

Ela pedi pa tene nos resposta até hoje, enton a li ki nos resposta:

Na nos sidadi, nu ta seguir lei — lokal, estadual ku federal.

Aplikason di lei imigrason é un responsabilidadi federal Un lei ki sta em vigor desdi 1997. Sidadis moda nos ka sta obrigadu pa gasta dinheiro di kontribuintis pa aplika politikas federal di imigrason. I nu ka ta fazi isso.

Em vez di keli, nu ta usar nos rekursos lokal pa fasilitar vida di nos residentis i manti Boston moda un sidadi major ku mas seguru li na Estados Unidos.

Nho sta errado se nho kre tratar grandi sidadis amerikanas moda zonas di guerra. Nho sta errado pa usar dinheiro di nos impostus pa manda Guarda Nasional na ruas di nos kapital. Nho sta errado pa kulpar nhos problemas na sidadis mais diversifikadu ke nho pudi enkontrar.

Nho pudi tentar transformar nos sidadis pa símbolos di disordem. Mas Boston é prova di un koisa muito mais poderosu: seguransa ta bim di amar nhos próximu moda nho mesmu.

Na Boston, nos agentis di seguransa públiku ka presisa eskondi xes rostos, pamodi elis e membros di nos comunidade. Nos agentis ta manti nu seguru pamodi elis konhxi nos residentis, i ka ta trabaja pa retira elis.

Nu amar nos sidadi demais pa deixa un homem ki ta kulpa nso imigrantis pa tudu xi problemas desdi antis di nha nasimento.

Hoje, n’stauntu ku líderes di seguransa públiku i religiosos, defensors di direitos sivil i veteranos, organizadors di nos grupos trabajadors, professors, artistas ku kolegas eleitus.

I nu sta li pa enfrentaruntu es ameasa à nos sidadi.

Tudu residentis di Boston: fika na nos lado... I mostra o governo ke nos espírito stá mais forti di ke nunka.

Na mes di junho, nu presenta un solisitason na ICE ki tene assuntu ku Lei di Liberdadi di Informason, nu pedi un mínimo di transparênsia di nos governo federal.

Portantu, hoje, nu ta presenta un rekurso formal, nu ta insisti ke ICE tenki produzi os registrs públikos ke nu solisita. I nu sta preparadu pa toma mais medidas legal, se elis kontinuar ta nega nos pedido.

Nu sta ta observa di pertu maneira ki Donald Trump ta tenta kria distrasons na Los Angeles i Washington, eli sta ta usar dinheiro di kontribuintis pa mobilizar Guarda Nasional. Nu sta pronto pa bai pa àte Justisa i solisitar un liminar, pamodi nu sta ta persebi koisa semelhanti kre kontisi a li.

Sidadis ka sta moda un ameasa pa os Estados Unidos. Elis sta ta impulsionar nos progressu. Elis ta unifikar nos. Elis ta fazi nos o ke ki nu bira.

Prokuradora-jeral Bondi, nu ka ta sta intimidado. Nu ka ta desisti. Nu ta kontinuar ta seguir lei i nu ta fika permaneti fokadu pa segura nos residentis.

A li é nos sidadi. I ningin ka ta manda na nos liberdadi.